



Pokwè k' on n'nos a nèn mostré comint k'Sådâm a trové l' moyin d' pèter foû d' l' Irâk ? Passki lès Buxhnicheus è sèrîne co a ranchî après dès madjikès carpètes po mêrmisbridjaedjes ? C' èst l' vraîy k'ça s' muche aujîyemint, ènn'don...

**C' èst tot d'minme bén eureu** k' asteure on s'pout continter d' têter l' tèrmomète po voye si on a dèl fîve. Avou totès cès *atakes nèn à môde di djins di poûmonêye*, vèyèz l' tâvla si falève sèl sititchî tèrtos don randon dins l' cou po polu griper dins on ayèroplane ?

**I n'si passe nèn on djoû** sins k'on apurdiche ène sakwè d' novia. Insi, on a trové k' lès blancs vièrs à long flaya ki s' cotapenut si bèlemint dins l' vèrzin ont do néz. Oyi-da, i sont capâbes di sinte èt di s'mète è voye viè l' odeûr ki lès rafiye li pus. C' k'èst drole, lès sûtis (d'ène Univîsité dèl Rhur) k'ont trové çoula n' conèxhenut nèn co l' cougne di bolêye d'flêraedje ki lès assatche insi. "Tot seû odobén avou ds ôtes ?"


**Volèz-v' comprinde** comint lès longueus si strindenut èt ki l' tîmps s' gonfèle ? Volèz-v' è sawè d'pus dsus l' tîmps ki passe èt l'place k'i gn'a autoû d' vos. Volèz è conèxhe di pus dsus l' tèyorêye da Einstein ? Avou ène fouye di cårton vos porîz è z'aprinde ène miète di pus èt bén aujîmint. Vn' avèz k'a lire "La relativité animée..." da Stèfane Durand (on Canadyin) amon Belin.

**L'ôte fiye, i gn'avéve ène sakî** ki n' savève nèn k' awè "lès **dispins** por li" s' èstéve tot simplumint k' lès payemints èstîne à sès guètes, à s' kèdje, èt k' il arève à dispinser sès liârd, sès caurs = dè **dispinses** !! Pirsoul èt Haust li savîne dèdja, zèls. Come i conèxhîne èto l' **rostiye** = l' taye di pwin k' on passe à l' flame... Come kwè i dimère co au fond dè *ridants dè nous mots* vîs di d'pus cint ans...

**Ène tchance**, on n' a nèn vèyu pèter l' *moman di totès lès bates* ni skèter l' *moman di totès lès bombes*. C'n'èst nèn po ça k' i gn'a pont d mwârts. Pokwè ? Po kî ?

On nos a doné dè *contaedjes*, ostant d' on costé, bén mwinsse di l' ôte... Valenut-is pus tchèr ki lès cintinnes k' ont passé oute dins l' minme tîmps è l' Afrike ? Au costindje dè "tièsses", c' èst shûr. L' èst vraîy k' d' on costé ça va rapwarter po lès ribatichaedjes. A kî don ? Dèdjà k' lès sicroteus ont rindu leus robaedjes èt pou c'ki èst d' paurti l' pètrole... Vola ki l' tête a tronné è l' Turkiye mins c'n'èst k'po lès Kurdes. Àlâ a mau èto à riconèxhe lès cias ki sont da li po pûni ? Di dla à tirer dè còps d'fuzik èt fé doner lès tchours di fîr...

**I gn'a cinkante ans** on djôzéve dèdja d' ène



**MENDES :** Alors, Marianne, en « C. (E.)D. » ou en « C.(E.)D. » pas?!...

Uropèyène armêye. Vola sakants imaudje di 1954. Èst-ce ki l' istwêre ripasse todi lès caboulêyes ? Si oyi, èsse ki c' èst todi l' minme ? Si nonna, èst-ce pask' on saye di kandjî lès dinrêyes o d' mète di l' ôle à l'place do bon bûre ?



Di cès tims-ci, ça sèrève pus rade nosse Babuxh a rêver tot parêy...




“L' afêre èst dins l' satchot” si dijîne Adenauer èt Mendès-France, l' ome au vère di lacia tos lès djoûs po ls èfants.



**CHURCHILL : Avou on parêy clikotia à vos pinde au nèz...**

C' còp là, c' èst l' Inglètêre èt l' France k' avîne sitî èspêchîs d' djower tot seûs...



- **Tot passe trop lon k' po nos èspêchî d' nos nèyî...**

L' confèrinse di Brussèles avêve fé s' nèyî l' saye d' Uropèyène Comunitè d' disfinse èt ça maugré l' aspouye di l' Italiye... Nos sovnançes, c' èst si vî, nos èspêchenut d'vos è dire pus lon. Après tot, si l' sudjèt vos intèsse, i gn'a dès lîves, ènn'don.

(Dire ki tot ça a rèxhu è l' FACE A MAIN d' Brussèle !)